



# ARUBAANSE COURANT

## DIARIO ARUBANO

REDACCION Y SUBSCRIPCION TEL: 2116  
MANAGEMENT Y ANUNCIO TEL: 1116  
MANAGER: E. WOUTERS

DIARASON 29 DI SEPTEMBER 1965.

EDITA PA: ARUBAANSE DRUKKERIJ, UITGEVERS  
& PUBLICITEITS MIJ N.V.  
IMPRIMI PA: DRUKKERIJ "DE STAD"

## Promer dia di bishita Real: PUEBLO A RICIBI PAREHA REAL CU GRAN CORDIALIDAD



Riba e trono especialmente construi Su Mahestad Reina Juliana y Su Altesa Resal Prins Bernhard a asisti ayera mainta na e sesion solemne extraordinario di Staten di Antillas Neerlandes.

**WILLEMSTAD**-E promer dia di permanencia di Reina Juliana y Prins Bernhard riba nos isla a ser caracterisá pa e entusiasmo y cordialidad cu cual pueblo di Corsow a ricibi e soberana y su casá.

For di mainta miles y miles di hende tabata den caya pa hafa un chens di mira pasada di e pareha real mientras qu anochi, cayanan tabata repleto di automobilistanan y hendenan na pia qu tabata cana admirá e bunita iluminacion cu cual hopi edificio grandi den centro di ciudad tabata dorná.

**FATUM**

Pa tur bo asegurado  
Tel. 1945

E programa cu e pareha real mester a repasa ayera, sinduda alguno tabata bastante pisá pero na tur momento tanto e soberana como Prins Bernhard a muestra nan mes incansable den conteste e multiple expresionnan di afecto y cariño qu nos pueblo tin pa e pareha real Hulandes.

Despues qu merdia Prins Bernhard a asisti na un lunch na Hotel Curacao Intercontinental ofrecé pa tres club di servicio local, y La Reina a sinti na lunch den palacio gubernamental nan rutanen a separá merdia y Prins Bernhard a bai bishita Antillanese Verffabrieky despues a tuma rumbo pa Banda Abao caminda el a bishita e centro di formacion militar na Asencion.

La Reina Juliana cuat<sup>ro</sup> or a cuminsa cu un rondrit qu a conduci door di un gran parti di Otrabanda y Mundo Nobo cu paradanen na diferente instituto.

Indudablemente La Reina a sinti efectonan di e solo candente qu tabata kima ayera tardi y qu visiblemente tabata afectate pero asina mes e soberana a esfora su mes pa de lo mehor contesta e saludonan qu tabata su parti durante henter e recorridu.

E promer parada durante e recorridu tabata na hospital St. Elisabeth caminda Mr. van Gent a ricibi e soberana quende tabata acompaña pa Promer Minister E. Jonckheer den e auto convertible cu cual e recorridu a ser hasi.

Despues di a ser presentá na algun dokter y souer y algun patient chikitu a ofrece flor na e soberana, La Reina a pasa pa e parti dilanti y a subi pa saluda casá di promer minister Jonckheer, quende ta hospitalisá for di algun siman caba.

Despues di e bishita na hospital, e ruta a conduci pa Casa Cuna y Leger des Heils den Hoogstraat.

Aki tambe un gran multitud a reuni pa saluda Reina Juliana,

Na yegada na Casa Cuna e alta visitante y premier Jonckheer a ser ricibi pa señora E. Dankmeijer-Maduro, quende a pasapaden cune.

Den e prome kamber tabatin poco criatura ta drumi e soño di inocentenan y no a realisá en lo mas minimo e alto bishita. Sonriendo Reina Juliana a pasa door di e kamber aki y a keda un bastante ratu den e otro kambernan caminda tabatin mas mucha.

Despues di e bishita na Casa Cuna, la Reina a cana bai Leger des Heils y a drenta pa admira e interior di e instituto.

Den auto e recorridu a sigui pa Sanatorium caminda señores C.W.J. Jonckheer, presidente di e colegio di Regenten a saluda La Reina y premier Jonckheer y a presenta e principalnan na e soberana mientras qu señorita Beatrix Etienne a ofrece La Reina flor.

Siguiendo via Witteweg y Pater Euwensweg, e siguiente parada tabata na e Hoofpost di E.H.B.O. Door di un erehaag e visitantenan a pasa paden caminda Dr. Kroon a duna un explicacion di e organizacion y su funcion awor y den pasado.

Ya aki e schema di bishitanan a cuminsa atrasá debido na qu na algun caminda e soberana a keda mas tantu qu tabata programa y asina por a sosode qu na e siguiente para qu tabata Caralisch Marien Biologisch Instituut, e programacion a cal asina tantu atras, qu enbes di a recor-

re Marie Pompoen y barrionan parriba di brug, ainda La Reina tabata bishitando e instituto.

Na Carmabi La Reina a inaugura un vleugel nobo di e edificio door di basha awa riba un bakie di kangreeuw despues di cual e cortina a hala pa laga e pasashi liber.

Dies aña pasá Prins Bernhard a pone promer piedra pa e instituto aki.

Den e parti superior di e edificio la Reina y su comitiva a pasa pa mira exposicionnan di piscá, kangreeuw y cocolishi y koraalnan.

Aki tambe La Reina a gasta un refresco y asina por a sosode qu enbes di binti pasá di cinco, a sali te casi mitar di siete for di Carmabi.

Ya e ora el e padvindernan na Mundo Nobo tabatin oras ta sperando yegada di e alta visitante y su comitiva y asina a sosode qu despues di un parada rapido caminda nan a ofrece un regalu, e recorridu a ser continua pa Casa Manita den Penstraat. Promer cu esaki tabatin na Pietermaai un parada dilanti di e edificio di Camara di Comercio caminda La Reina a hafa mas regalu.

Ya aki nan a auto convertible den cual e recorridu a ser hasi tabata yen di regalu caba y tabata casi siet<sup>or</sup> ora quayegana e ultimo lugar di bishita, qu tabata e oficina di Burgelijke Stand, caminda señor A.L. Hollander a ser presentá na La Reina door di Premier Jonckheer.

Den e sala di casamentu señor Hollander a duna un explicacion corticu di historia di e landhuis, despues di cual La Reina y su

comitiva a hasi un paseo door di e edificio.

Den oranan avansá caba La Reina a tuma despedida di señor Hollander y asina tambe a yega na final di e recorridu qu a existi hopi di su energia debido na e multiple paradanen y e solobrilante di ayera tardi.

Ya ne e momento el solo a baha caba, y ciudad tabata bunita iluminá pa e multiple adornonan qu tabatin na varios di e grandi edificionan.

Trafico tabata extraordinario ayera nochí ya qu miles y miles di hende a bini ciudad pa un paseo y te anochi laat tabatin hopi hende riba caya.

E ultimo punto di e programa tabata un diner na palacio di gobernador cu invitanonan especial.

Prins Bernhard despues di e diner aki, a sali pa asisti un ratu na e Oranjebal den Club de Gezelligheid caminda un gran numero di miembronan y invitadonan a reuni pa celebra e yegada di La Reina na Corsow.

Awe mainta Reina Juliana, a presidi un reunion di Raad van Ministers despues di e tradicional aubade den Fort y cuartu di dies-un el a sali pa hasi un bishita na Shell Curacao.

Awe tardi lo tin un otro recorridu caminda La Reina lo pone promer piedra na varios instituto y anochi lo tin un manifestacion qu lo cuminsa mitar di nuebe y lo termina mitar di diesun.

## CONDECORACIONNAN

Officier den Huisorde di Oranje H.L. Braam, Hoofd RVD  
Mr. G. Dutry van Haeften, Directeur di Kabinet di Gouverneur C.A. de Jager, wnd, Hoofd Commissaris di Polis  
Mr. H.W.J. van der Made, Algemeen Secretaris,  
J.S. Schouwe, Commissaris di Polis.

Ere dame den huisorde di Oranje Mej. D.M. Labega, Bibliothecarisse;  
Ridder iste klasse den Huisorde di Oranje,  
A.A.M. Carpay, Hoofd Algemene Zaken di Bestuurskantoor Aruba C.D. Crestian, Gedeputeerde di Openbare Werken na eilandgebied Bonaire.

B. Fijnje, Hoofdcommies bij de Regeringsvoorzichtingsdienst;  
N. Pijn, Hoofd Voorlichtingsdienst Aruba,  
M.S. Kuiperi, Hoofd Toeristenbureau di Aruba  
M.W. Preijde (Frere Alexius na Aruba.

H.A. Rosario, Hoofd Voorlichtingsdienst Curacao  
Mr. Adr. Wouters, Secretaris den eilandgebied Bonaire.

Ridder Tweede klasse den Huisorde di Oranje  
J.E. de Wijs, Inspecteur di Polis.

Eremedaille di oro pa Huisorde di Oranje,  
J.E.M. Levenstone, sloepkapitein, oud gedeputeerde di Saba V.A. Lopes, Gedeputeerde di St. Eustatius.  
H.M.J. Peters, gedeputeerde di St. Maarten.

Eremedaille den zilver na Huisorde di Oranje.

L.H. Engelhardt, opzichter den Openbare Werken di Bonaire;  
H.E. Kock, agent di polis eerste klasse, chauffeur di Gezaghebber di Aruba y  
M.O. Martes, Bode eerste klasse A, chauffeur di Minister-President.

## Obra di mama

BRAZIL - Bisinjanan a informa polis di mucha na Oranjestad cu un dama cu ta biba na Brazil a mara tres di su yunan na un mesa. E dama, kende su cabez parce ta un poco liher, a marra e tres muchanan di 2,3 y 5 aña na un cabuya y despues a mara e cabuya na un mesa.

Polis di mucha di San Nicolas lo sigi mas leu riba e asunto.

## Trabao na Van Swaay na Hulanda

ORANJESTAD - Dialuna 4 y diamars 5 di october lo cuminsa tumar hobennan di Aruba di 18 aña p'riba cu ta interesa na traha pa e firma Van Swaay na Hulanda.

Interesadonan tin cu acudi riba e dos fechanan menciona na e oficina di Sociale en Economische Zaken (INCU) den Arendstraat na Oranjestad.

E firma aki tin mester di hobennan cu tin diploma o certificado di electricien, plaatwerker o bankwerker.

## OTRO MAL WEGA

SEROE PITA - Undonjodi cumucu na Seroe Pita a keha na recherche cu durante e ultimo dianan, desconocido(nan) a bai cum cantidad grandi di piedra for di e trankeer di su cumucu. E piedra nan cu a isparce a laga un buraco di 25 meter largo keda atras.

## SALUDOS DI HULANDA

ORANJESTAD - E siman aki e saludonan di estudiantenan Antillano na Hulanda lo bini for di internaat Hulze Marienburg na Den Bosch. E programalo ta dia-domingo awor 3 di october pa 5.30 di atardi via Radio Kelboom. Un repiticion lo tumalugar diamars dia 5 di october pa 6.30 di atardi.

E siguiente estudiantenan di Aruba lo manda un saludo: Bea Croes, Tika Wever, Maureen Berkel, Pam Brook, Angela van Helningen, Helen Mohamed y Gala Turney.

## AUTO CONTRA POSTE

SAN NICOLAS - Dialuna mainta un cuarto pa diezdos un chauffeur cu a bebe asina tanto y cu segun polis no tabata den estado pa maneha un auto, a dal contra un poste di luz bandi di "Viana" s" na San Nicolas.

E danjo material den e accidente aki no ta conoci ainda.

## Un biaha mas joy-riding

ORANJESTAD - Diadomingo mainta shet'or polis di trafico a hanja tras di santana den Pitastraat un auto di familia para dwars riba caminda. E dashboard di e auto tabata destrui y tambe e waynan di contact tabata kibra. E donjo di e auto, kende ta biba na Oranjestad, a dunakeho cu joy-riding a ser cometi cu su auto. Un investigacion pa localiza e culpabilenan ta tumando lugar.

Nobo Nobo Nobo  
Nassaustraat 34.

nos a caba di ricibi tela nobo pa cortina, fantasticamente disenja den Panel Prints, tambe den color liso gemixed. Tela nobo pa bisti di fiesta, algo masha apart. Kaanchi nobo den bunita color, Katuna Drip-Dry, cu disenjos stranj y nobo, Serca nos bo ta haya tela di calidad na prijsa barata.

# SPAAR - CUMPRANDO SINGER<sup>★</sup>

AWOR BO POR CUMpra BO SINGER, CU MENOS PLACA NA MAN CU  
ANTES, Y CONDICIONNAN DI PAGO MASHA COMBINIENTE

Corta y post e coupon aki pa  
demonstracion GRATIS na cas.

**SINGER SEWING MACHINE COMPANY**

HAVENSTRAAT 7 - ORANJESTAD

Lo mi aprecia un demonstracion gratis na cas di:


Mashin di cose SINGER .....

Number: .....

Direccion: .....

Telefon: .....


Lo bo por bisti panja di ultimo estilo, gastando poco placa, si bo mes cose riba bo Singer. Scohe e model cu abo ta gusta mas; bo por duna masha poco placa na man y caba di paga na cuotanan mensual cu e cen cu lo bo spaar, como bo mes ta cose pa bo y bo hendenan di cas.



STRAIGHT STITCHER 191

fl. 15.- na man  
fl. 12.- pa luna  
den 32 luna


E famoso modelo Singer aki, awor ta mas moderno. E ta e mashin ideal pa hendenan cu ta cuminsa sinja cose.  
Prijs cash fl. 314,--  
Huurkoop fl. 393,--



STYLE-O-MATIC

Mashin zig zag Semi-Automatiko. E ta verstel, traha knoopsgat, pega boton, drecha kanchie riba fondo di nylon, tambe bo por pega alestiek riba carson, step-in, y haci tur sorto di borduur y decoracion. Cash fl. 390,--  
Huurkoop fl. 488,--


fl. 25.- na man  
fl. 15.- pa luna  
den 31 luna



SLANT-O-MATIC

Mashin zig zag full-automatiko -----esaki ta haci delaster stik cu bo por imaginabo. Djies set e pa esun cu bo ke, y dal bai. E ta borduur, sera buracu, traha knoopsgat, zom- kiko cu bo ke, SLANT-O-MATIC ta haci.  
Cash fl. 450,--  
Huurkoop fl. 563,--

fl. 30.- na man  
fl. 25.- pa luna  
den 22 luna



TOUCH AND SEW

E mashin fantastico touch and sew cu bobina push-button exclusivo, y zig zag full-automatiko. Bo'n tin mester di stop pa jena bobina, -djies primi un boton, y manera un milager, e bobina mes ta jena. E tin un plaatje simpel pero bunita cu tur e diferente stiknan ariba, anguwa schuin, plus tur otro cos di cosementu zig zag.

Cash Fl. 515,--  
Huurkoop Fl. 644,--

fl. 40.- na man  
fl. 25.- pa luna  
den 24 luna

Loque ta nobo pa majan Bo ta hanja for di awe na **SINGER**



**SINGER SEWING MACHINE COMPANY**

ARUBA

Havenstraat 7 - Tel. 1797





## Prins Bernhard riba ruta ayera

Prins Bernhard ayera mainta a acompaña Su Mahestad La Reina Juliana na tur e eventonan oficial cu tabatin programá pero merdia a hasi bishitanan separá na Antilliaanse Verffabriek y despues na e centro di formacion na Ascension. Anochi el a asisti na e Oranjebal na Club De Gezelligheid. E fotonan aki ta duna un impresion di su actividadnan di ayera.

Ayera merdia e clubnan Lions, Rotary Kiwanis a ofrece un lunch na Prins Bernhard den Hotel Curacao Intercontinental, na cual a asisti Promer Minister E. Jonckheer, Minister C.D. Kroon, Gezaghber M.P. Gorsira y otro alto invitadonan. Señor Dankmeijer, presidente di Lions aki ta extendiendo palabranan di bienvenida.



Ayera nochí Prins Bernhard inesperadamente a presenta na e Oranjebal den Club de Gezelligheid y a disfrutá inmenso di a agradable ambiente qu tabata reina, animá pa e tononan di Moron Combo y un otro agrupacion musical. Aki nos por mira con Prins Bernhard entre Premier Jonckheer señor Edgardo Salas, presidente di De Gezelligheid y sr. J.A.O. Bikker ta saluda vice promer minister Biesheuvel na su yegada.



Mas o menos binti pasá di diesun ayera nochí, despues di e diner na palacio di gobernador, Prins Bernhard acompaña pa promer Minister E. Jonckheer y algun personahe di corte real a bishita Club De Gezelligheid siendo ricibi pa un comision di recepcion encabezá pa señor Edgardo Salas, presidente di e club.



No obstante di e rondrit qu a exigí masha di nan energia, tantu di Prins Bernhard como Premier E. Jonckheer, tur dos anochi por a desplega un amplio sonrisa durante e Oranjebal ayera nochí na Club De Gezelligheid. Huntu cu Premier E. Jonckheer ta su yiu muher señorita Karin Jonckheer.



Un close-up di yegada di e pareha Real ayera mainta. Aki La Reina Juliana y Prins Bernhard ta inspeccionando e guardia di honor qu tabatin na Nieuwe Haven ayera mainta.



Durante un rondrit ayera tardi Reina Juliana a ser ovacioná pa e miembronan di Nederlandse Padvindstersgilde na Mundo Nobo y aki por mira con e ta saludando e verkennersnan qu tabata apostá na ambos banda di caminda. E padvinder Leslie Celestina a entrega La Reina un regalu.



Segun e rondrit di ayera tardi tabata yegando na su fin, e auto convertible den cual La Reina Juliana y Premier Jonckheer tabata corre, a yena casi completamente cu e regalunan qu e soberana a hafia durante e caminda largu.



Na Hospital ayera tardi La Reina a ser ricibi pa Mr. J.J. M. van Gent, presidente di directiva di hospital, quende a presente na e principal hefenan di departamento. Despues di un intermezzo musical, La Reina y Premier Jonckheer a pasa dilanti pa cuminda señora Blanca Jonckheer-Heyer quende ta recuperando na hospital.



Durante un stop na e edificio di Camara di Comercio ayera tardi, señor F. Vreugdenhil, presidente di Kamer, a duna La Reina Juliana un regalu. Banda di señor Vreugdenhil por mira secretario di Kamer, Drs. van Boven y tras di dje señor Arturo Jesurun y señora Monte-Boskaljon, quende a duna La Reina un regalu ofrecé pa Vereniging voor de Handel.



Na Caribisch Marien Biologisch Instituut ayera tardi, La Reina a inaugura un vleugel nobo di e edificio door di basha awa riba un bakkie di kangreuw despues di cual el a pasa pa mira e specimenan pecuario qu tin den e instituut.



# VOLCAN TAAL A CUMINSA TRAHA

MANILA--UPI-- Volcan Taal, inactivo for di anja 1911, a drenta den erupcion violento riba un isla situa mei mei di un lago, 50 kilometer na sur di Manila. E habitantenan di e isla a hui yen di miedu y nan ta teme cu saldo di mortonan lo ta varios centenar.

Periodistanan y fotografonan cu a bula riba e isla seis ora y mei despues di e promer erupcion no a mira señal di bida. Polisnan a bisa cu riba e isla tabata biba mas o menos 2,000 persona.

Autoridadnan ta bisa cu ta imposibel determina ainda cuanto por a scapa. E presidente, Diosdado Macapagal, ta dirigi operacionnan di evacuacion y busqueda di posibel victimanan personalmente.

Den e erupcion di 1911 Taal a mata mas di 3,000 persona. E volcan a drenta den erupcion repentinamente 2,25 di mainta (2,25 di dialuna atardi, ora di New York.

Mandando pa cielu un columna di vlam y humu cu a alcanza un altura di 2,500 meter. Terra a habri y lava hirviente a cuminsa baha for di e volcan.

Volcan ta un di e atraccionnan turistica mas conoci di Filipinas. E serru, di mas di 300 meter di altura, ta situa riba e isla chikitu, conoci como e nomber Isla di Volcan, cu ta situa den centro di Lago Taal den e region meridional di Luzon. E isla ta midí solamente ocho kilometer di largu pa cuater y mei di hanchura. E lago ta midí 24 kilometer di largu y 14 di hanchu.

Un grupo di reportero di "Philippine Herald" ta cita declaracionnan di refugiadonan di e zona di desastre, segun cual ta posibel cu hasta 2,000 persona a muri. Segun e refugiadonan dos villa henter a ser arrastra pa e awanan di e lago pa e lava di e volcan.

E servicio di informacion filipino ta bisa cu nan ta teme cu hopi di e 2,000 habitantenan di e

isla of zonanan cercana a muri. Den circulonnan oficial nan a anuncia poco ora despues cu e erupcion a cuminsa cu tabatin diez morto.

Awa di e lago ta scur y lodosa, y casi henter territorio di e isla ta cubri cu lava di e volcan. Normalmente e isla ta berde brillante debi na su vegetacion lujuriosa.

E violencia di e erupcion tabata un sorpresa completo a pesar di e informenan reciente di e expertonan cu tabata bisa cu temperatura di e volcan tabata aumentando firmemente. Ningun hende tabata spera un explosion asina.

Macapagal, interrumpiendo preparativonan pa festejo di su cumpleaños a encabeza personalmente mision di rescate cu su cuartel general di operacionnan a estableci neriberanan di e lago. E presidente a papia cu mas o menos 1,000 persona cu a ser evacua di e villanan ne costa di lago Taal.

Un evacuada, señora Valeriana Salud, mama di diez yiu, a declara cu el a laga su esposo y otro mucha den e villa chikitu na unda nan tabata biba riba e isla volcanica. El a agrega cu e villa tabata cuminzando cubri cu lava hirviente ora cu el a bandone.

E erupcionnan a continua duran te henter dia y nan ta teme cu e explosionnan por extende e lava y cenizanan riba un zona hopi mas amplio.

E promer informacion di e erupcion di Taal a ser duna pa e piloto di un avion di Philippine Airlines, cu a bula den viaje regular na un altura di casi 5,000 meter riba e isla.

Inmediatamente el a bisa pa radio cu el amira un bola di fuego enorme salí for di e cra-

ter di e volcan, y a informa na otro pilotonan di e erupcion pa nan mantene nan aleha di e zona.

E piloto y su pasaheronan yegando Manila a bisa cu e candel y lava cu tabata sali di e crater di e volcan tabata yega na un latura di casi 2,000 meter. E pasaheronan a añadi cu lago Taal a bira corra, manera un tizon sende.

"E volcan a saca huma pretu entre cual nan tabata mira relampagonan cu tabata acompaña e explosionnan", e secretario di prensa di e presidencia, Virgilio Reyes a declara.

E periodistanan cu a pasa riba e isla diez'or di mainta a bisa cu e volcan tabata parse di a calma ne ora el. For di e avion nan nan por a observa dos crater grandi riba e isla.

Di pronto un nubla enorme a sali di e crater meridional di e isla y nan a tende un explosion. "Ate ta cuminsa atrobe", piloto di un di e avionnan a bisa.

E huma a subi centenares di meter y e lava hirviente a cu-

minsa baha for di e volcan. E promer explosion a ser sigui pa otro y otro. Sin embargo ningun di esakinan tabata mesun poderoso manera e promer di 2,25 di mainta.

MANILA--UPI--E ultimo informacionnan oficial ta alcanza 82 number di morto a consecuencia di e erupcion di e volcan Taal. Nan a afirma cu mas o menos 85,000 persona a ser evacua ya for di e "zona di desastre" situa 50 kilometer na sur di Manila.

Autoridadnan ta afirma cu e isla na unda e volcan ta situa a keda aisla, pa loque ta imposibel di determina destino cu a ser tumu pa e 6,000 personanan, cu segun nan a bisa, ta biba eina. Solamente nan por a hanja sa suerte di seis di e habitantenan di e isla.

Gruponan di socorro a bordo di e lanchanan chikitu a trata di cruce e lago pa yega mas cerca di e isla pero nan mester a bandona nan proposito debi ne calor intenso cu tabata stroba nan paso.

E corant "Philippine Herald" citando declaracionnan di refugiadonan ta bisa cu ta posibel cu mas o menos 2,000 persona a muri a consecuencia di e erupcion di Taal.

## VIOLENTA ORCAN HAZEL

MAZATLAN, MEXICO -- UPI -- Den helicopternan nan a manda cuminda y medicina pa Mazatlan, ciudad turistica di e costa di Pacifico na unda diez mil persona a keda sin hogar pa efecto nan di orcan Hazel.

Den henter e extension di e territorio di 240 kilometer di e costa central mexicana riba Pacifico tabatin inundacionnan, embarcacionnan cu a sink, animalnan hoga y hopi danjo na casnan causa pa orcan Hazel. Nan ta teme cu e danjonan lo ta varios millon peso.

Nan a informa cu masha hopi hende a hoga, pero e unico morto cu a ser confirma tabata esun di un mucha chikitu cu a ser alcanza pa un waya di tension haltu ora cu e tabata cai na Mazatlan.

Mazatlan a keda incomunica. Servicio telefonico y telegrafico, electricidad y carreteranan a keda interrumpi pa e temporal. E acueducto municipal a ser contaminado pa e inundacion.

Solamente por viaja pa via aerea y cursa mensahenan pa radio di aficionadonan, comercial y di gobierno.

E orcan a azota diasabra anochi cu bientunan di mas di 120 kilometer pa ora, segun secretaria di recursionan hidraulico a bisa. Autoridadnan municipal a informa cu olanan di 10 meter di haltu a dal contra e ciudad yegando te ne entrada di e principal hotelnan di lujo.

Nan a bisa cu e casnan di e partinan abao di e ciudad a keda inunda te na e dak.

## Algo tocante festival antillano di cancion

E festival Antillano di cancion ta na prome lugar un celebracion den lo cual mejor parti di nos artistanan di Aruba a tumu parti caba aña pasa ora cu el a ser presenta pa di prome bez den e Klompen Klub di Aruba Caribbean Hotel.

Varios di nos artistanan, sin embargo, a kere cu e festival tabata di artista, cual pensamentu no tabata corecto.

E festival ta di cancion i e artista cu bini cu e cancion mas bunita i mehor interpreta ta esun cu ta gana (e cancion).

E hurado lo paga muchu mas atencion na e cancion cu na e artista, i mas puntuacion lo ser duna na e cancion pasobra e ta un festival di cancion.

E reglamentonan internacional di festival di cancion i musica ta bisa lo siguiente:

1. Festival ta un tradicion nacional, cual ta worde celebra anualmente pa e habitantenan di un pais i na prome lugar pa e turistanan cu ta bishitando e pais durante e epoca di turista.

2. E tradicion aki ta duna e artistanan nacional i internacional e oportunidad pa alcanza e trono di exito ora cu e cancion interpreta pa nan jega di ser un di e exitosonan.

3. Cada artista triunfante den e festival ta esnan cual cancionnan a cosecha exito durante e festival of na final.

4. E triunfador nan ta ser nombra di number 12 pa number 1.

5. E cantante no por hiba mas punto cu su cancion.

Asina cu e artistanan por mira cu e Festival Antillano di Cancion no ta un competencia di nos artistanan uno contra otro, sino un competencia di nan cancionnan contra otro.

Den e Festival Antillano di Cancion e importancia no ta pa gana sino pa demostra bo capacidad, artistica i hiba e cultura Antillano na un nivel alto.

Apoya e Festival Antillano di Cancion cu asina despues e por apoyabo

Artistanan di Corsow por inscribi na Antillian Song Festival PO Box 300, Oranjestad UB.

THE THREE VOICES TA INTERESA.

Di november pa december, 7 siman La Bonanza a manda trofeo bunita pa e festival.

Ta ser trata pa paga e viahe mas tantu posibel pa e participantenan.

Cada diadomingo atardi den Klompen Klub di hotel, Segundo festival.


Aña pasa a participa 41 cantante. Di Corsow Trio Orquidea a participa. Hopi gueststars. Tabata un gran exito.

Compania di electricidad "ELMAR" ta participa na su consumidornan di corriente, cu su oficinanan i su departamentonan tecnico na Oranjestad i na San Nicolas lo ta sera pa henter dia riba diabiernes 1 di october i diasabra 2 di oktober 1965.



E foto aki ta duna un vista di e erupcion di e volcan Taal, e promer for di 1911, y qu a causá un serie di temblornan masha

violento riba e isla qu tin 2000 habitante. E volcan ta un di esunnan mas chikitu di mundu.





# DIPUTADONAN DI ARUBA A HANJA NAN TAREANAN

ORANJESTAD - Diabierne atardi ultimo Bestuurscollege di Aruba a dicidi na stipula e tareanan di e cinco diputadonan di e territorio insular di Aruba.

Diputado I.S. de Cuba a keda particularmente encarga cu e tareanan cu tin relacion cu: Algemene Dienst, bau di cual e departamento di Algemene Zaken di Bestuurskantor y e ambtenaanan den Algemene Dienst; - Gezondheidsdienst; - Brandweer; - Dienst Openbare Werken (DOW) - Hulpbestuurskantor na San Nicolas.

2. Diputado A. Falconi a keda particularmente encarga cu e tareanan relaciona cu:

- Bevolking y Burgerlijke Stand di Bestuurskantor; - Arbeidszaken y Werkverschaffing; - Maatschappelijke zorg; - Centrale Tabuleerdienst

3. Diputado D.C. Mathew a keda

particularmente encarga cu e tareanan relaciona cu:

- Trafico y transportacion, bao di cual ta cai Luchthavendienst y Haven- en Loodsdienst; - Telefoonendienst; - Voorlichtingsdienst; - E departamentonan Personeelszaken y Registratuur di Bestuurskantor.

4. Diputado Dr. G.A. Oduber a keda particularmente encarga cu e tareanan relaciona cu: - Finanzas, bau di cual ta cai Accountantsdienst y e oficina di Ellandsontvanger; - Water- en Energiebedrijf na Balashi (W.E.B.); - Turismo

5. Diputado D. Tromp a keda particularmente relaciona cu: - Ensensanjan, Asuntonan Cultural y desarrollo publico, bau di cual ta cai e biblioteca publico; - agricultura, ganaderia y piskeria

- Veterinaire Dienst; - Domeinbeheer;

- Casnan di pueblo

Gezaghebber O.S. Henriquez, den su calidad di miembro di Bestuurscollege, a keda particularmente encarga cu e tareanan relaciona cu;

- E departamento di desarrollo economico (D.E.C.O.) - E oficina administradora di projectonan di desarrollo.

Di acuerdo cu articulo 52, punto cinco di Eilandenregeling Nederlandse Antillen, e diputadonan ta word reemplaza na momento di ausencia o enfermedad, den e siguiente forma:

Diputado I.S. de Cuba pa diputado G.A. Oduber; diputado G.A. Oduber pa diputado A. Falconi, diputado A. Falconi pa diputado I.S. de Cuba.

Diputado D.C. Mathew pa diputado D. Tromp; diputado D. Tromp pa diputado D.C. Mathew.

Esaki tabata un comunicacion di e departamento di informacion di gobierno insular.

## MUCHA HERIDA A MURI DEN HOSPITAL

ORANJESTAD - Emucha muher di 6 anja Violeta Paesch di Tanki Leendert cu a ser tuma diadomingo mainta cuarto pa diez den San Pedro Hospital for di su conocimiento y cu un herida na su cabes, a muri padiezdos or y mei di merdia.

Como cu e hecho aki a ser reporta mesora na polis, un investigacion no por a tuma lugar sino te den oranan di anochi.

Entretanto e cadaver di emucha a ser tuma den hospital y ayera mainta un samnacion a ser haci riba dje.

E mama di e mucha, un dama

soltera di 28 anja, mes a bai na warda di polis na unda el a ser interroga.

Contra di e mama aki no mucho tempo pasa polis a traha proces-verbaal pa motibo cu el a maltrata e mucha cu awor ta morto.

Pa tal motibo e mucha mester a hanja tratamiento medico den hospital for di 7 di juli te 31 di agosto. Na e ocasion ey e mama a declara cu e mucha tabata sufrir di un enfermedad cu tabata pone cai.

Recherche ta investiga tambe te con leu un di dos mucha ta envolvi den e caso aki.

## AMENAZA CU CUCHU

ORANJESTAD - Polis mester a interviene dialuna atardi binti pasa di un, ora cu den un restaurant na Oranjestad un tipo a saca un punjal y a menaza dos otro persona cu e arma aki.

Polis a tuma e punjal den beslag y lo traha proces-verbaal contra e tipo aki.

Ta estrictamente prohibi pa camna cu arma den saco.

Pastor di Oranjestad a hanja algun jabi di auto y abau y a depone nan na warda di polis na Oranjestad.

Un caballero a perde su bril di solo den vecindario di Palm Beach.

Dialuna polis a parti 5 proces-verbaal, a duna 3 waarschuwing y asistencia.

## MAL WEGA

ORANJESTAD - Na recherche di Oranjestad a presenta un chauffeur di autobus un poco decepciona. El a conta cu den anochi di diasabra pa diadomingo el a transporta 3 hoben for di San Nicolas pa Oranjestad. Ora cu e trio a jega Oranjestad, dos di nan a baha na careda, asina cu nan a baha for di e autobus.

Esun di tres cu a keda para, sin embargo no tabatin placa den su saco, manera cu e ultimo speranza di e chauffeur tambe tabata pornada. Recherche awor lo trata na regla e asunto aki.

## Credit Unions ta celebra dia internacional

ORANJESTAD - Tur Credit Unions na Aruba e anja aki lo celebra conjuntamente e dia internacional di Credit Union. Pa e ocasion aki un comision especial a worde nombra cual tin e tarea pa haci preparacionnan pa e celebracion aki.

E comision ta consisti di presidente Fichi Croes, secretario Mario de Cuba, tesorero Mario Odor.

E programa ta consisti di e siguiente eventonan:

Diasabra 2 di october pa och'or di anochi lo tin un anochi di

bingo den Club Estrella na Santa Cruz, cual ta intencion pa hanja fondo pa por organiza un grandioso fiesta pa e miembronan di tur Credit Unions na Aruba.

Diahuebs dia 21 di october pa shet'or y mei di anochi lo tin un programa especial na television cu e intencion pa propaga e movimiento di Credit Union na Aruba.

Dia 23 di october, riba undiasabra, e berdadero celebracion di e "International Credit Union Day" lo tuma lugar na Aruba

Pa seis'or di atardi lo cuminza un parada di auto di e Credit Unions na Aruba, for di oficina di D.O.W. pasando den e cayanen di Oranjestad pa Santa Cruz. Pa och'or di anochi e celebracion lo sigi cu actuacion di diferente gruponan musical di Aruba. Pa nueb'or di anochi conjunto "Sensacion Musical" lo cuminza brinda musica bailable te den horanan laat di anochi.

## "Saludos Stella Priest"

ORANJESTAD - Den e otro acostumbrado programa di Antillanonan cu ta studia o traha na Hulanda y cual ta bau direccion di srta. Stella Priest, lo manda un saludo e siman aki, e siguiente Antillanonan: Cecilio Maria, Pedro Francisco Ronald Martis, Claudio Otto, Alfred Martina, Roderick Blijden y Francisco Maduro.

E programa aki lo tuma lugar diasabra awor dia 2 di oktober pa 5.30 di atardi via Radio Kelboom.

Un repeticion lo tuma lugar diahuebs dia 7 di october pa 1.30 di atardi.

## LAGO A HONRA EMPLEADONAN DEN STRAND HOTEL

ORANJESTAD - Recientemente tabatin nueve empleado mas di departamentonan Mechanical y Process cu a drenta e fila recientemente di empleadonan cu servicio largo di Lago Oil & Transport Co., Ltd.

Durante e comento mensual pa miembronan di gerencia teni na Hotel Strand dia 24 di september ultimo, tabatin un ceremonia especial pa honra e empleadonan aki.

Vice-presidente R.E. Nystrom a presenta certificado y emblema pa 30 anja di servicio na: Nicasio Lampe di Mechanical-machinist; Ignovio Briezen di Mechanical

Metals; George A. Halley di Process-refining, y Leon C. Bell di Process-oil movements.

Esnan cu a ricibi oloshi di oro pa conmemora nan 25 anja di servicio cu Lago tabata: Pedro D. Croes di Mechanical; Nazario Geerman di Mechanical-materials; Joseph C. Peterson di Mechanical-maintenance & Construction; Venancio Arends di process-oil movements, y Vidal Arends di Process-refining.

Gerente mechanical J.M. Balenger y Process manager G.L. Macnutt, y e hefenan directo tambe tabata presenta na e ceremonia pa honra e empleadonan aki.

## DESTAJO PA SCHOOL NA WEG KUSTBATTERIJ

ORANJESTAD - Pa diez'or ayera mainta a tuma lugar na oficina di D.O.W. na Oranjestad, un destajo publico pa expansion di e lagare school na Weg Kustbatterij na San Nicolas. E contratistanan a duna e siguiente prijsnan pa haci e trabau aki: Isidro Lopez Fls. 121,200,-

Petrona & Croes (Aruba) N.V. Fls. 111,000,-; Marcial G. Tromp Fls. 117,450,-; Bouwmij. Aruba Fls. 118,870,-; Doorson Bouwbedrijf Fls. 142,670; Bohama Aruba N.V. Fls. 116,000,-; Futura N.V. Fls. 120,490,-. Permiso pa haci e trabau akino a ser duna ainda.

## "STICHTING UN YUDA OTRO" TA PRESENTA

GRANDIOSO BAILE NA OCASION DI SU MAJESTAD REINA JULIANA I PRINS BERNHARD NA ARUBA.

DIABIERNE- OCTOBER 1, 1965 for di 9.00 p.m. - 4 a.m. NA; PALM BEACH CLUB

MUSICA ACARGO DI: E famoso banda "MORON COMBO" di Corsow. Bao di direccion di e famoso Corsow. Bao direccion di e famoso pianista Norman Moron.

Bin goza-bin diverti-bin celebra jega di e Pareja Real den PALM BEACH CLUB cu STICHTING UN YUDA OTRO i copera cu un bon doel.

Entrada Caballeros fls. 5.00 Damas fls. 3.00

Kaartje ta di venta na: AURA's Beauty Shop-Playalux-Whitfields Texas-Furniture - Chicuch-Aruba Boekhandel Aruba Comm. Bank-Wimco.

Cumpra bo kaartje na tempo pa bo no keda desapunta. TUR HENDE TA BONBINI.

## Nos Bida Social

Sincera felicitacion Giovanni

Casper Victoriano Bermudez ta hanja na ocasion di a cumpli su prome anja di bida. Felicitacion no por a keda sin bini na nomber di su papi, Bito, su mami, Maria, y su 6 rumannan Franklin, Esther, Lourdes, Eveline, Astrid y Enrico. Tambe ta bini felicitacion di welo, wela, tanta omo, primo y primanan y tambe di su madrina Denisia Farro, padrino Chico Croes y muy en especial di tanta Lala y omo Snoeki na Hulanda.

Finalmente ta bini felicitacion di famianan Bermudez, Farro, Van der Blik, Giel y Eckmeyer.

Sept. 15: Miguel Franklyn, yiu homber di Reginado Lampe y Lorenza Aura Kock.

Sept. 13: Patricia Magdalena, yiu homber di Francisco Simon Croes

y Cecilia Maduro.

Sept 8: Regina Lucia, yiu muher di Theo Dominico Evers y Lydia Theresita Does.

Sept 12: Guido Anthony, yiu homber di Arturo Maduro y Maria Candelaria Maduro.

Sept. 18: Victor Albert, yiu homber di Gregorio Franken y Philomena Franken.

PROXIMO MATRIMONIONAN: Creswell Rennie Hills di W. de Zwijgerstraat y Otencia Endora Richardson di Jan Steenstraat.

A FALLECE:

Sept 19: Philomena Maduro-Ras, di Balashi II, naci na Aruba, 68 anja.

Sept. 20: Fransisca Lampe-Paesch, di Paradera 79, naci na Aruba, 56 anja.

## BRANDSPUIT NO POR A DUNA ASISTENCIA

JAMANOTA - Diasabra atardi por a mira humanan pretoe y diki tabata sali for di tras di Seroe di Jamanota. A resulta cu na Rood Tanki tabatin un candela grandi di sushi. Algun tire di auto cutabata kima a causa a e huma pretoe. Brandspuit no por a pasa pa jega

na e lugar di candela y e bomberonan mester a baha warda e ora cu e candela a caba por completo.

Durante e ultimo week-end polis a duna 36 proces-verbaal 6 waarschuwing y 17 asistencia.

## VIVIENDA DI ESTRANHERONAN (ANTILLANONAN) NA HULANDA TA REGULAR

(Di Nos Corr. na Hulanda) UTRECHT - "Generalmente por bisa, cu e vivienda di trahadornan estranhero den mayoria di e pensionnan na Utrecht ta satisfada e exigencianan razonable. Ademas mester pone un fin na e habitacion di por ehemplo hokknan di paloma y casitanan di palo di manera cu denter di masha

poco tempo mas o menos 182 estranhero mester hanja un lugar di biba na un otro caminda.

Esaki tabata palabranan di sr. T. Hartevelde, wethouder di Openbare Werken en Volkshuisvesting dia 20 di september ultimo en relacion di un relato cu un comision especial a manda aden tocante e vivienda di trahadornan for di exterior.

Na e trahadornan for di exterior aki ta pertenece e biaha aki tambe (segun e relato) e trahadornan Antillano.

E "Gemeentebestuur" a duna e encargo aki despues cu algun luna pasa den diferente corant y semanarionan Hulandes a aparece articulonnan, cu a trece na claridad, cu lo tabata existi situacionnan deplorable tocante e vivienda di trahadornan estranhero (tambe Antillanonan).

Te cu awor sin embargo solamente un pension a worde sera.

## Homber a coge botter di whisky

ORANJESTAD - A keda deteni pa motibo di a coge un botter di whiskey, un homber di 24 anja. El a admitti cu diasabra atardi el a coge un botter di whisky for di un supermarket na Oranjestad. Despues di a interroga e homber, recherche a traha proces-verbaal contra dje y despues a lag'e bai cas.

## FRITS OLIVIERA A SLAAG PA HOOFDAKTE

ORANJESTAD - Famia Baarh-Oliviera a ricibi noticia for di Hulanda cu Frits Oliviera a slaag pa su hoofdakke di maestro di school na e kweekschool catolico na Nijmegen.

Frits tabata pertenece na e grupo di e prome graduadonan di colegio Arubano.

Pronto lo e regresa Aruba for di Hulanda. Na Frits Oliviera y famia nos sincero felicitacion.

## CHAUFFEUR A CAI FOR DI AUTO

CURACABAAI - Den Pieter Boerstraat un auto di famia a dal contra un otro auto di famia cu tabata para canto di caminda lagando un danjo material di Fls. 400,- atras. E choko a ser causa ora cu e chauffeur di auto, na momento di a tuma un lorada a cai for di e auto, y e vehiculo a sigi corre bai dal riba e auto para.

**ARIES** - mar. 21 a abril 19 - Conversando lo, mas amigablemente posible con otros sabra donde esta realmente parado con ellos y como ser mas exacto en el futuro. Coopere, Beneficios magnificos seran entonces suyos.

**TAURO** - abril 20 a mayo 20 - Una conversacion franca con sus socios destacara la politica verdadera bajo la cual ellos quieren operar. Haga preguntas directas. Demuestreles que esta dispuesto a apoyar los hasta el fin.

**GEMINIS** - mayo 21 a jun. 20 - Impresione a aquellos que cuenten con usted como un trabajador excelente, atinado y rapido. Deje que su conciencia sea su guia. Termine lo que empieza y lograra el apoyo de sus compañeros de trabajo.

**CANCER** - jun. 21 a jul. 22 - Sea astuto haciendo que otros acepten sus ideas despues de terminar las labores del dia. Sea mas creativo. Esto le dara un panorama mucho mas feliz de la vida en general.

**LEO** - jul. 23 a ago. 22 - Usted solo tiene que pedir consejo a un pariente para conseguir el apoyo que quiere para sus ideas y planes. Hagase de una estructura mas firme. Entonces vendran los beneficios mas suavemente.

**VIRGO** - ago. 23 a sept. 22 - Sus rutinas pueden parecer aburridas. Avívelas siendo mas creativo, mas positivo. Consiga mas comodidades a su alrededor. Converse con sus asociados. Com

pre los articulos que necesite.

**LIBRA** sept. 23 a oct. 22 - Usted tiene que ser muy practico ahora si desea aumentar sus ingresos apreciablemente. Cerciorese de operar con un presupuesto flexible.

**ESCORPION** - oct. 23 a nov. 21 - Los anhelos de una naturaleza personal, vitales para usted, pue

de obtenerlos hoy si logra la ayuda de otros.

Consiga las respuestas correctas a los enigmas. Despues, quite los obstaculos rapidamente.

**SAGITARIO** - nov. 22 a dic. 21 - Busque los problemas ocultos en esa aventura nueva que esta planeando y solucionelos rapidamente. Vaya donde aquellos que han tenido una gran cantidad de ex-

periencia.

**CAPRICORNIO** - dic. 22 a ene. 19 - Use su mejor juicio al planear los eventos sociales futuros y obtenga buenas ideas tambien de sus buenos amigos. Conozca a personas que valgan la pena. Muestrese de lo mas atractivo.

**ACUARIO** - ene 20 a feb 18 - Exponiendole buenas ideas a sus

superiores hara mucho por congraciarse en su estimacion; recibira mas apoyo. Deje que las cosas se ventilen claramente. Usted sabe donde esta parado.

**PISCIS** - feb. 19 a mar. 20 - Olvidese del trabajo aburrido y penetre en el mundo de una actividad inteligente, progresiva. Busque algun plan nuevo para usted.

## PEPITA



## BUCHI ROBES



**WHITE HORSE OF COURSE!**



**WIRCO**

# RECEPCION PUBLICO DI GALA ARUBA

Gobierno di Antillas Neerlandes tin e placer di invita un y tur pa un recepcion publico di gala na ocasion di e bishita na Aruba di

## SU MAHESTAD LA REINA Y SU ALTEZA REAL PRINCIPE DI E REINADO HULANDES

E recepcion lo ser teni den Papiamento Room di Aruba Caribbean Hotel ariba Diasabra 2 di October 1965 for di och' or y mei di anochi te diez' or y mei di anochi.

**TRAHE DI NOCHI CU CONDECORACION OBLIGATORIO  
CABALLEROS: ROK OF SMOKING  
DAMS: PREFERIBLE TRAHE LARGO**

Entrada pa Papiamento Room lo wordo sera och' or y cuarto di anochi. No ta permiti pa saca portret of tuma pelicula durante e recepcion.



**EXP-1000**

Agente exclusivo di

**FRIESCHE VLAG**

pa cortesia di:

lechi evaporado y lechi en polvo

**JAN BODESON & CO (ARUBA) N.V.**

**MAXWELL HOUSE KOFFIE.**




**DICK TRACY**

presenta pa cortesia di:

**VICTORIA BOTTLING COMPANY**

**PEPSI-COLA --- SEVEN UP --- GRAPETTE-KIST --- VICTORIA SODA WATER --- BUFFALO ROCK --- GINGER ALE**



**ISCO KID**

pa cortesia di:

**ARUBA BOTTLING COMPANY**

**NESBITTS den varios sabor, e refrescan mas pidi y mas gusta na Aruba.**



## REEBERG Y PELLEGRIM EXPULSA FOR DI IOWUA

SAN NICOLAS - Dialuna atardi directiva di Independent Oil Workers Union of Aruba (IOWUA) a expulsar srs. Henk Reeberg y Elio Pellegrim for di directiva di e union.

E directiva ademastin intencion pa convoca un reunion general di miembronan pa a la vez

elimina Reeberg y Pellegrim como miembro di IOWUA. E dos senjornan aki ta worde acusadi ta tene un campanja di calumnia contra e resto di directiva di IOWUA.

For di otro banda, segun nos a ser informa, e directiva di IOWUA a ricibi un lista cu firma di 500 miembro di IOWUA, den cual e miembronan ta exigie directiva pa tene un reunion general di miembronan diadomingo venidero cu e unico punto riba agenda: "Lago Commissary".

### BOTICA DI WARDA:

NACHTDIENSTEN: Oranjestad:  
Botica Del Pueblo Tel: 1253-2154  
San Nicolas: Botica San Lucas  
Tel: 5119

### VOZ DI ARUBA

05.57 Apertura  
06.00 Wake up easy (country music)  
06.30 Discolandia  
07.00 Escala en Mejico  
07.30 Noticias (papiamento)  
07.45 Monitor 1325  
08.15 Noticias (ingles)  
08.30 Regalo Musical  
10.00 Novela  
10.30 Fantasia Musical  
12.00 Musica Europea  
12.15 Noticias (Hulandez)  
12.30 Noticias (Papiamento)  
12.45 Melodias Instrumental

13.00 Noticias local (papiamento)  
13.15 Artistas Antillanas  
14.00 Via 10 Musical  
15.45 The chatter Platter  
16.15 Noticias (Ingles)  
16.30 Complacencias felicitaciones  
17.00 Ban Econ. Cump. na La Esperanza.  
17.30 Deporte na Marcha  
17.45 Atardecer Musical  
19.00 Noticias (Papiamento)  
19.15 A.B.C. Der Cultuur  
19.30 Turntable 65  
20.30 Voz di Aruba Safe Driving Car Club  
23.00 Clausura.

### RADIO KELKBOOM

7.00 Opening  
7.02 Bon dia cu alegria (Instrumental)  
7.30 Noticia Internacional (Amstel)  
7.45 Musica Matutino  
8.00 Seleccion Musical cu disconan Latino Americano  
8.30 Cumpleanjos Feliz  
9.00 Noticia Social  
9.15 Musica Varia  
9.30 Melodias Instrumental  
10.00 Noticia Internacional  
10.05 Ritmos Latinos  
10.30 Programa di N. Habibe Jr.  
11.00 Noticia Internacional  
11.05 Musica Norte-Americana  
11.15 Musica Antillana  
11.30 Musica Varia  
12.15 Noticia Internacional (Schlitz)  
12.30 Musica Norte-Americana  
12.45 Noticia Lokal (Viana)  
01.00 Musica Varia  
01.30 Riptiction Boekthespreking P. Heuvel  
01.45 Boleros  
02.00 Noticia  
02.05 Novela (Riptiction)  
02.30 Relicinas

03.00 Noticia  
03.15 Ritmos di Caribe  
03.45 La Macorisana & International Supermarket  
04.00 Musica cu sabor Azteca  
04.30 Noticia Lokal (Heineken)  
04.45 Cocktail Musical  
05.00 Musica Varia  
05.15 Musica Varia  
06.00 Noticia Deportivo (Gillette)  
06.15 Musica Varia  
06.30 RVD (Regerings Voorlichting Dienst)  
06.45 Groeten uit Nederland  
07.00 Musica Europeo  
07.15 Musica Europeo  
07.45 Musica Norte-Americana Instrumental  
08.15 Novela (Colgate)  
08.45 Musica Varia  
09.00 La Vida en los EUA  
09.45 Variacion Musical  
10.00 Sluiting

### RADIO ANTILIANA

5.30 Apertura y Oracion  
5.35 Manlanta Arubanas  
5.45 Melodias di Wild West  
6.10 News in English  
6.30 Noticia na Papiamento  
7.00 News in English  
7.30 Noticia na Papiamento  
7.45 Programma di Jule Nieuw  
8.00 Espacio pa un Ritmo Criollo y un poesia  
8.10 Variedad Musical  
8.30 Musica y consejo dedica na tur nos amigonan automobilista  
9.00 Noticia na Papiamento  
9.15 Musica Norte-Americano  
9.30 Mejico cantando via Radio Antiliana  
10.00 Intermedio Musical  
10.10 Noticia na Ingles  
10.20 Programa di La Macorisana & International Supermarkets  
10.40 Momento di Ritmo

**FOR CUMPA ARUBANSE  
COURANT NA E SIGUIENTE  
LOGARNAN:**

**NA ORANJESTAD:  
BOEKHANDEL MAREKA,  
PIET SODA FOUNTAIN,  
REFRESQUERIA INGRID**

**NA SAN NICOLAS  
NICOLAAS STORE  
UNION STORE.**

11.00 Musica Colombiana  
11.15 Voznan Popular  
12.00 Oracion di merdia  
12.03 Seccion Informativo  
12.20 Noticia na Papiamento  
12.30 News in English  
12.45 Capsulas En Orbitas alrededor di Mundo Deportivo  
1.00 Noticia na Papiamento  
1.20 Fiesta Calypso  
3.00 Musica Norte-Americano  
4.00 La Esperanza y su Obsequio Musical  
4.30 Variedad Musical en Complacencias  
5.00 Noticia na Papiamento  
5.30 Calypso Rama - Budweizer  
5.45 Musica Chevere  
6.00 Variedad Musical  
6.15 Musica Colombiana  
6.30 Noticia na Papiamento  
6.45 Variedad Musical  
7.00 Felicitaciones y Complacencias eticiones  
7.45 Programa di Jule Nieuw  
8.00 Programa di Club Bonaireano - Club Surnam  
8.15 Continuacion di Fel. y Cump. Peticiones  
8.30 Reddy Kilowatt  
9.00 Desfile di Exitos  
10.00 Anioranzas  
10.30 Impactonan Musical  
11.00 Melodia y Romance Musical  
12.00 Clausura

## RADIO VICTORIA

12.45 Quiet Time  
1.00 Radio Concert Hall  
2.00 Reading Room  
Hour of Decision (repeat)  
2.15 Quiet Hour  
2.30 Dr. Barnhouse and the Bible  
Bible Study Hour  
3.00 Ensueños Musicales  
3.30 La Hora Bautista  
Control Central  
Bo Pregunta-Contesta  
Prosa Y Poesias  
Vida Nueva  
Titanes de Fe  
3.45 Academia Cristiana  
Melodias del Alma  
4.00 Musica di Banda  
4.15 Ultimas Noticias  
4.30 Listening Post  
Fun With Music  
4.45 Sailor Sam  
Muchanan pa Cristo  
Children's Gospel Hour  
Fun With Music  
-Music BOX  
Hobentud Pa Cristo  
5.00 Vertel Uurtje  
Canta Leo  
E Ora Aventuroso  
Melodias del Alma  
Informacion di Gobierno  
5.15 Palabranan di Bida  
5.30 Ecos del Cielo  
La Voz del Evangelio  
5.45 Musica Sagrada  
6.00 Nederlands Nieuws  
6.15 De Groene Weide  
Christelijke Liederen  
Christus tot de Volkeren  
der Aarde Gebracht (herhaling)  
Voor Zijn Glorie  
Windows on Holland  
6.30 World News  
6.45 Lago Hour  
Baptist Hour  
Miracles  
Musical Interlude  
Haven of Rest  
Issues in the News  
7.00 Organ Hymns that Live  
Sacred Songs  
7.15 Off the Record  
7.30 Miracles and Melodies  
Bible Time  
Light and Life Hour  
Haven of Rest  
Unshackled  
Showers of Blessing  
7.45 Psychology for Living  
Look Up and Beyond  
8.00 Musical Gems  
8.30 Back tot the Bible  
9.00 Klassieke Muziek.  
9.15 Dagsluiting  
10.00 Sign Off

### MAS LADRONICIA

ORANJESTAD - Diadomingo keho a drenta na recherche c'un hortamento a tuma lugar den un tienda di comestibles den Havenstraat na Oranjestad.

E donjo di tienda ta hanja falta di un carton di sigaria y tambe a ripara cu e desconocido(nan) a trata na forza e caha fuerte di placa, pero sin logra habri'e.

### TELE-ARUBA

5.30 Cartoons  
6.00 U.S.I.S.  
6.30 N.T.S. Journal C & O  
6.45 Papiamento Newscast  
7.00 Lassie  
7.30 Papiamento Sportnews  
7.45 Lucy Show  
8.15 Naked City  
8.45 English Newscast  
9.00 Fugitive  
10.00 Dutch Newscast  
10.05 Texas Wrestling  
11.00 Sign off